



ATASSUT-mit Inatsisartunut ilaasortat
Knud Kristiansen aamma Siverth K. Heilmann
-/maani

Nunatsinni napparsimasut maalaarutaasa suliarineqartarnerat pillugu § 37 nappertorlugu apeqqutininut akissuteqaat

Apeqquteqaatissinnut qujanaq.

Tunuliaqutaasut

Peqqinnissaqarfiup 1992-imi Kalaallit Nunaannit oqartussaaffigineqalerneratigut napparsimasut maalaarutaasa danskit maalaaruteqartarfiannit suliarineqartarnissaat pingaartinneqarpoq. Tamanna pingaarnertut pivoq napparsimasut inatsisitigut isumannaatsunissaanni pitsaanerpaamik illersoneqarnissaat isumannaarniarlugu.

Maalaarutit suliarineqarneranni inuit attuumassuteqarsinnaasut akuutinneqarnissaat tamatumuunakkut pinngitsoortinneqarsinnaavoq, qulakkeerneqassaarlugu napparsimasut maalaarutaannik aalajangiinerit naammaginaturnik ingerlanneqartarnissaat.

Naluneqanngitsutut nunatsinni napparsimasut maalaarutaannik suliaqartarneq danskit tungaanniit unitsinneqarallarsimavoq, kalaallit inatsisaata naammaginaturnik ersarisuunnginnera innersuussutigalugu.

Peqqissutsimut Naalakkersuisoqarfik peqqinnissaqarfiup aqunneqarnera il.il. pillugit Inatsisartut inatsisaata allanngortinneqarnissaa pillugu Inatsisartut inatsisissaattut siunnersuummik suliaqarpoq. Taanna Inatsisartut ataatsimiinneranni matumani siullermeerneqarpoq. Tamanna pivoq suliarinnittarnerup ingerlaqqilernissaa, maannamut periusaasartup nangeqqinneqarnissaa aammalu sulianik ingerlatsisarnermi piffissat nalinginnaasumik atorneqartartut atuutilerseqqinneqarnissaat siunertaralugit. Inatsisissatut siunnersuutip UPA 2012-imi akuersissutigineqarnissaa naatsorsuutigineqarpoq.

Ilanngullugu oqaatigineqassaaq nunatsinni napparsimasut maalaaruteqartarfeqanngimata.

Akissut:

Naalakkersuisoqarfiup oqaatigisinnaavaa napparsimasut maalaarutaat suliaasat maannakkut 60-iusut Nunatsinni Nakorsaaneqarfimmit Napparsimasut Peqqinnissaqarfimmut Maalaarutaannik Aalajangiisartoqatigiinnut tassani suliaasanngorlugit nassiunneqartussat utaqqisinneqarmata.

16. maj 2012
Suliapnr. 2012-065899
All.Upp.Nr. 901795

Postboks 1160
Oqa: 34 50 00
Allak: 32 55 05
3900 Nuuk
Email: pn@nanoq.gl
www.nanoq.gl

*Taakkua saniatigut maalaarutit aalajangiiffigisassat Maalaarutinik Aalajangiisartoqati-
giinni uninngatinneqartut 70-iupput.*

*Nunatsinni Nakorsaanerup paasititsissutai naapertorlugit Nunatsinni Nakorsaanermut
suliassanngortitsinermiit suliap inaarutaasumik aalajangiiffigineqarnissaata tungaanut,
pissutsit nalinginnaagaangata, qaammatit agguaqatigiissillugu 16,7 tikillugit sivisussu-
seqartarpoq.*

Inussiarnersumik inuulluaqquusillunga



Agathe Fontain



7. maj 2012

Inatsisartut suleriaasianni § 37, immikkoortoq I naapertorlugu matumuuna imaattumik Naalakkersuisunut apeqquteqarpugut:

Apeqqut:

Nunatsinni napparsimasut sullinneqarnerminnik maalaaruteqartarfianni (PKN), maannakkumut qassit maalaarutit utaqqisinneqarpat?

Agguaqatigiissillugulu suliat maalaarutit tiguneqarneranniit akissuteqarfigineqarnerannut piffissaq qanoq sivisutigisoq atorineqartarpa?

(ATASSUT-mi Inatsisartunut Ilaasortat, Knud Kristiansen, Siverth K. Heilmann)

Tunngavilersuut:

Qallunaat inatsisaat nr. 397 10. juni 1987-imeersoq, kingullermik inatsisikkut nr. 503-kkut 30. juni 1993-imeersukkut allanngortinneqartoq, aallaavigalugu nunatsinni napparsimasut naammagittaalliuutaat Danmarkimi suliarineqartarput. Tamannalu ilaatigut arlalitsigullu nunatsinni napparsimasut, suliaritinnertik pillugu maalaarutaasa suliarineqartarnerat piffissaq sivisoorujussuaq atorlugu utaqqisinneqartarput. ATASSUT-miit pingaartipparput siunissami maalaaruteqartarfik nunatsinnit nammineq isumagineqalersinnaanera anguniassallugu. Taamaasillutik napparsimasut maalaarutaat naapertuuttumik naammassineqarlutik suliarineqartarnissaat anguneqassammat.

ATASSUT-miit kissaatigissavarput apeqqutitsinnut akissut ullut suliffiit naliginnaasut qulit iluini tigusinnaassallugu.

Qujareerluta